

Headline	Bekas pengurus kanan TH didakwa		
MediaTitle	Berita Harian		
Date	19 Aug 2020	Color	Black/white
Section	Nasional	Circulation	82,252
Page No	19	Readership	246,756
Language	Malay	ArticleSize	240 cm ²
Journalist	N/A	AdValue	RM 4,046
Frequency	Daily	PR Value	RM 12,138



Bekas pengurus kanan TH didakwa

Tertuduh tidak mengaku salah atas tiga pertuduhan terima rasuah RM170,477

Kuala Lumpur: Bekas pengurus kanan Lembaga Tabung Haji (TH) didakwa di Mahkamah Sesyen di sini, semalam, atas tiga pertuduhan menerima suapan berjumlah RM170,477 pada 2015 dan 2018.

Zaharuddin Hamid, 47, bekas Pengurus Kanan Teknikal (Seksyen Pembangunan Hartanah) bagaimanapun mengaku tidak bersalah selepas pertuduhan terhadapnya dibacakan di hadapan Hakim Rozina Ayob.

Bagi semua pertuduhan, Zaharuddin didakwa secara rasuah menerima suapan daripada Yusaidi Mohd melalui syarikat Amaneez Creative Solution menggunakan cek yang didepo-

sitkan ke dalam akaun Maybank milik kakaknya, Zanita Hamid berjumlah RM170,477.

Ia sebagai upah mencadangkan syarikat Consoline Sdn Bhd dan Syarikat MNB Engineering Sdn Bhd bagi kerja ubah suai pejabat TH Ipoh (IFiC), Perak dan tiga di Johor iaitu TH Muar, TH Batu Pahat serta TH Kluang.

Dia dituduh melakukan tiga kesalahan itu di Maybank Desa Pandan, di sini, di antara 5 Oktober 2015 dan 24 Mei 2018 mengikut Seksyen 17(a) Akta Suruhanjaya Pencegahan Rasuah Malaysia (SPRM) 2009 dan boleh dihukum mengikut Seksyen 24 akta sama yang memperuntukkan hukuman penjara maksimum 20 tahun dan denda tidak kurang lima kali ganda jumlah atau nilai suapan atau RM10,000 mengikut mana-mana yang lebih tinggi, jika sabit kesalahan.

Terdahulu, Timbalan Pendakwa Raya SPM Abdul Rashid Sulaiman menawarkan jaminan RM100,000 dengan seorang penjamin serta syarat tambahan perlu menyerahkan pasport kepada mahkamah dan melapor diri di Ibu Pejabat SPM Kuala Lumpur sebulan sekali sehingga keslesai.

bulan sekali.

“Kesalahan ini adalah serius, jika sabit kesalahan tertuduh boleh dihukum penjara sehingga 20 tahun. Selain itu, kedudukan tertuduh di Tabung Haji sebagai pengurus kanan juga perlu diambil kira,” kata Abdul Rashid.

Peguam M Athimulan yang mewakili tertuduh memohon mahkamah memberikan jaminan sekitar RM40,000 atas alasan tertuduh memberi kerjasama baik kepada SPM.

“Tertuduh kini tidak bekerja dan sejak ditahan SPM, anak guam saya juga mengalami kemurungan. Pihak kami bersedia jika mahkamah mengenakan sebarang syarat tambahan,” katanya.

Mahkamah membenarkan tertuduh diikat jamin RM50,000 dengan seorang penjamin bagi semua pertuduhan berserta syarat tambahan tertuduh perlu menyerahkan pasport kepada mahkamah dan melapor diri di Ibu Pejabat SPM Kuala Lumpur sebulan sekali sehingga keslesai.

Mahkamah menetapkan sebutan semula kes pada 22 September depan. **BERNAMA**